



GOBIERNO DEL ESTADO DE YUCATÁN
PODER LEGISLATIVO

LXIII LEGISLATURA DEL ESTADO
LIBRE Y SOBERANO
DE YUCATÁN

U NOJ MOLA'AY CONGRESO TI' U LU'UMIL YUCATÁN, TI' U NOJ TSIKBE'ENIL LE ARTIKULO 29 TI' U NOJ A'ALMAJT'AAN U PÉET LU'UMIL YUCATÁN, 18 TI' U A'ALMAJT'AANIL PODER LEGISLATIVO, 117 YÉETEL 118 TI' U REGLAMENTO I LE U A'ALMAJT'AANIL PODER LEGISLATIVO, TULÁAKALO'OB TI'AL U LU'UMIL YUCATÁN, KU TS'AIK OJÉELTBIL:

TSOOL T'AANIL MEYAJ

U juunil Artikulo: Le LXIII Legislatura ti' un noj Mola'ay Congreso ti' u lu'umil Yucatán, ku ts'aik ojéeltbil le u noj tuukulil u meyaj ti'al u Ejercicio Constitucional 2021-2024 tu'ux ku jets'ik le u tsool meyajil tu'ux ku tojtáantik le u jelk'exik yéetel u túumbenkúunsik u a'almajt'aanilo'ob u péet lu'umil Yucatán, ikil kun beetike' ku táanilkúunsik le plakam uts múul tsikbal yéetel u k'ub óolil política tu yóolal u beeta'al u nu'ukbesajilo'ob ti'al u yutskíinsa'al u kuxtal u kajnáalilo'ob ek lu'umil.

I. Mu'uk'ankúunsa'al u meyaj mola'ayilo'ob.

a) U meyaj Jala'achilo'ob yéetel u mola'ayilo'ob.

- Le u patjo'oltik nu'ukbesajilo'ob legislativas ti'al u kaláantik le páajtalil democracia pa'tej yéetel u molayilo'ob.
- U jelbesik bix u kaláanta'al le mola'ayilo'ob Organismos Constitucionales Autónomos.
- U mu'uk'ankúunsik le u táakpajal kajnáalo'ob yéetel u múuch'kabilo'ob.
- U xak'altik tuláakal u a'almajt'aanilo'ob yéeyajil ti'al u jeltúumbensik beey xan u mu'uk'ankúunsik bix u meyajta'al.
- U beetik nu'ukbesajilo'ob ti'al u béeykunsa'al le tojbe'enido'ob científico yéetel tecnológico.
- U béeykunsa'al u mu'uk'ankúunsa'al le municipalismo.



GOBIERNO DEL ESTADO DE YUCATÁN PODER LEGISLATIVO

LXIII LEGISLATURA DEL ESTADO
LIBRE Y SOBERANO
DE YUCATÁN

- U patjo'oltik u béeychajal le nu'ukbesajil meyaj Gobierno abierto wey t noj lu'umil.
- U mu'uk'ankúunsa'al u meyajil le nu'ukbesajil Parlamento Abierto tu noj mola'ay Poder Legislativo ti' u lu'umil Yucatán tu yóok'lal saskunajil meyaj
- U mu'uk'ankúunsa'al le u chuunt'aanil meyaj Perspectiva ti' genero ikil u béeykunsa'al le Parlamento Abierto ti'al u patjo'olta'al mantats múul tsikbalil yéetel jejeláas u múuch'kabilil xko'olelo'ob
- U beetchajal le u k'axt'aanil wa Ley Secundaria le tusbeelil Revocación de mandato
- U beeta'al le u k'ax t'aanil wa Ley Secundaria le tusbeelil Cabildo Abierto
- U jets'a'al nonoj u taak'inil meyaj
- U jeltúumbensa'al le u a'almajt'aanil ch'úuktiko'ob u jmeeyjilo'ob u molayil Jala'achil ti'al u keetkúunsa'al yéetel le reforma laboral
- U mu'uk'ankúunsa'al u páajtalil u meyaj le noj molay Derechos Humanos wey noj lu'umil.
- U mu'uk'ankúunsa'al le u páajtalil u meyaj le molay ch'uktik ma' u yúuchul corrupción ti'al u káalanta'al ma' u seen beta'al le si'ip'iil loobilo'
- U mu'uk'ankúunsa'al le u páajtalil u meyaj le mola'ay saskunajil ti'al u beetik u meyaj séeba'an yéetel nu'uka'an
- U mu'uk'ankúunsa'al u páajtalil meyaj le noj mola'ay Poder Legislativo ti' Yucatán bey u bejil ti'al u táakbesa'al kaaj.



GOBIERNO DEL ESTADO DE YUCATÁN PODER LEGISLATIVO

LXIII LEGISLATURA DEL ESTADO
LIBRE Y SOBERANO
DE YUCATÁN

- U ch'a'ajo'olta'al u jeltúumbensa'al le u a'almajt'aanil ek lu'umil ti'al u tusbeelil le u béeykunsa'al le Paridad ti' genero ichil cabildos, comisiones municipales beey xan ichil órganos municipales.
- U mu'uk'ankúunsa'al u meyajil cabildos ti'al u ts'a'abal túumben páajtalil meyaj bey jump'éeel mola'ay tu'ux ku ch'enxikinta'al u t'aan kaaj tumeen le ayuntamientos
- U xak'alta'al yéetel u jeltúumbensa'al le a'almajt'aan Ley de Gobierno de los municipios ti'al u lu'umil Yucatán, beey xan u láak' a'almajt'aan ikil u meyaj Presidencias municipales , síndicos, regidores yéetel u láak' máaxo'ob ku meyajo'ob ayuntamientos ti'al u páajtal u xak'alta'al ba'ax meyajil ku beetik, ti'al u much'al le Contralorías sociales ti'al u ch'úukta'al bix u xu'upul u taak'in kaaj wáa ba'ax ku beeta'al yéetel u taak'inil Ayuntamientos, le u k'u'ubul cuentas yéetel u sáaskunajil u meyaj
- U béeykunsa'al u yantal u a'almajt'aanil ch'úuktik le Salario mínimo, responsabilidad hacendaria, contabilidad gubernamental yéetel competencia económica
- U ch'a'ajo'olta'al le u xak'alta'al le a'almajt'aan Ley de Gobierno del Poder Legislativo beey xan u Reglamenti ti'al u jeltúumbensa'al mantats' ikil u meyaj le Comisiones Permanentes.
- Le u béeykunsa'al u jeltúumbensa'al u jejeláas a'almajt'aanil yéeyajil ti'al u beeta'al tusbeelil meyaj ti' Autoridades administrativas yéetel Judiciales estatales ti'al u ts'a'abal jets'eknakil ti' kajnáalo'ob ikil u beeta'al consultas wey t lu'umil
- Le u je'ebel u bejil ti'al u béeytal u tsikbe'enta'al u páajtalil kajnáalo'ob ikil u chuumbesal u tsikbe'enil táanil ichil noj a'almajt'aan tu yóolal tuláakal páajtalil wa derechos yéeel u tojbe'enil kuxtaal wíinik



GOBIERNO DEL ESTADO DE YUCATÁN PODER LEGISLATIVO

LXIII LEGISLATURA DEL ESTADO
LIBRE Y SOBERANO
DE YUCATÁN

- U beeta'al u nu'ukbesajil ti'al u xu'ulsa'al u xu'upul taak'in chéen ti' ba'alo'ob ma'a k'a'ana'ani'i tumeen u óoxjaatsil u Ja'alachilo'ob ek lu'umil
- U ch'úuktik tuláakal le meyaj ku beetik jejeláas Municipios ti'al u kaláanta'al u ba'alobáai
- U béeykunsik yéetel u páayt'antik le péektsil Austeridad ti'al ma' u jóok'sa'al u túumben impuestos

b) Sáasilkúunajil meyaj yéetel finanzas publicas

- Le u mantats' ch'úukta'al u yantal nonoj u taak'inil meyaj ja'ab lam ja'abil ti'al u chuka'al le ba'alo'ob tukulta'an tumen Jala'achil ti'al u ye'esal jach ma'alo'ob lu'umil ti'al u k'uchul inversión
- U xak'alta'al yéetel u jeltúumbensa'al tuláakal u a'almajt'aanil u beeta'al tramites ti'al u séebankunsa'al ti' kajnáalo'ob
- U ch'úukta'al u jets'a'al nonoj u presupuesto le Sistema ti' Justicia ti'al u mu'uk'ankúunsa'al u meyaj
- U mu'uk'ankúunsa'al le u a'almajt'aanil Transparencia ti'al u meyajta'al nu'uka'an
- U xak'alta'al le u a'almajt'aanil ek lu'umil tu yóolal concesiones, licitaciones yéetel adjudicaciones ti'al u jeltúumbensa'al bix u beetpajal
- U mu'uk'ankúunsa'al le bix u xak'alta'al u meyajil transparencia tu yóolal le taak'in ku ts'a'abal ti' jejeláas múuch' kabil kaaj wa organizaciones civiles
- U jets'a'al u nu'ukulil p'iis yéetel xak'alil ti'al le informes ku k'ubik jejeláas Organismos Autónomos Constitucionales ti'al ek lu'umil yéetel ti'al municipios



GOBIERNO DEL ESTADO DE YUCATÁN PODER LEGISLATIVO

LXIII LEGISLATURA DEL ESTADO
LIBRE Y SOBERANO
DE YUCATÁN

- U ch'úukta'al le u xupal le presupuesto ti'al le ba'ax k'áata'an
- U jo'olbesa'al u beeta'al presupuesto ti'al u yáantal xko'olelo'ob, ti'al u táanilkunsa'alo'ob ichil proyectos, ti'al u meyajil ts'aakankil, u kalanil ma' u sen x-yo'omchajal xlóobayano'ob, ichil kaambesajil, ikil u beeta'al justicia, u táakpajal ichil política yéetel u náajal taak'inil.
- u láaj xak'alta'al ti'al u jeltúumbensa'al a'almajt'aano'ob ti'al u béeykunsa'al u nu'ukbesa'al le páajtalil derecho ti' transparencia
- U beeta'al le a'almajt'aan Ley Estatal para la integración, Control y conservación de Archivos Públicos
- U jo'olbesa'al u beeta'al u a'almajt'aanil ti'al le nu'ukbesajil kaaj Parlamento Abierto ti'al k lu'umil
- U jeltúubensa'al le u a'almajt'aanil ch'uktik u p'aaxtaak'in Jala'achil
- U beeta'al le túumben a'almajt'aan Ley para la Asignación y manejo de Recursos Estatales y Municipales
- U xak'alta'al u a'almajt'aanil cuenta pública, le a'almajt'aan Ley de Fiscalización ti' cuenta pública ti'al u lu'umil Yucatán ti'al u séebankunsa'al le u xak'alta'al le cuenta pública estatal yéetel municipal
- U mu'uk'ankúunsa'al u páajtalil xaak'almeyaj le Comisión Permanente ti'al Vigilanciai Cuenta Pública, Transparencia yéetel Anticorrupción

c) U xu'ulsa'al Corrupción

- U xak'alta'al le jejeláas a'almajt'aanil ch'úuktik bix u k'u'ubul cuentas tumen molayilo'ob óoxjaatsilil Jala'achil



GOBIERNO DEL ESTADO DE YUCATÁN PODER LEGISLATIVO

LXIII LEGISLATURA DEL ESTADO
LIBRE Y SOBERANO
DE YUCATÁN

- U ch'úukta'al u je'ebel le Sistemas ti' Control interno ichil u jejeláas mola'ay Jala'achil
- U jeltúumbensa'al le u a'almajt'aanil anticorrupción ti'al u mu'uk'ankúunsa'al
- U xak'ata'al bix táabsa'an le u takpoolil penal le loobil corrupción ti'al u na'aksa'al u bo'ol kuuchil
- U láaj xak'alta'al u a'almajt'aanil ikil u meyaj juntúul Servidor público je'ex bix yéetel u chuunt'anil honestidad, ética yéetel profesionalismo ti'al ka je'ets'ek u kuuch bo'olil ti máax ku beetik k'aas meyaj
- U láaj xak'alta'al le u kuuch bo'olil administrativo le k'aas meyaj ku beetik jejeláas molayilo'ob tu yóolal le tusbeelil wa recomendaciones ikil u pech'óoltal derechos humanos
- U mu'uk'ankúunsa'al le ch'úukt meyaj ku beetik mola'ayilo'ob fiscalizadores
- U ch'úukta'al tuláakal le meyaj ku beetik le molay Unidad ti' vigilancia yéetel p'íisilil ti' le Auditoria Superior ti'al u lu'umil Yucatán ti'al u mu'uk'ankúunsa'al
- U láaj xak'alta'al le meyaj yéetel u páajtalil le molay Secretaria Ejecutiva ti' le Sistema Estatal Anticorrupción ti'al u tojkiinsa'al
- U wet'a'al yéetel u tusbeelil a'almajt'aan le u seen na'aksa'al u náajalil u meeyjilo'ob Jala'achil yéetel u méek'tankaajilo'ob
- U ts'a'abal u kuuch bo'olil le loobil tráfico de influencias yéetel conflictos de interés ti' máaxo'ob ku meyajo'ob bey Servidores públicos estatales yéetel municipales
- U xak'alta'al yéetel u jeltúumbensa'al le a'almajtaanil meyaj Ley Orgánica ti' le Tribunal ti' Justicia Administrativa tu lu'umil Yucatán.



GOBIERNO DEL ESTADO DE YUCATÁN PODER LEGISLATIVO

LXIII LEGISLATURA DEL ESTADO
LIBRE Y SOBERANO
DE YUCATÁN

- U máansa'al táanil le u tsikbe'enta'al uts meyaj sáansamal bey nu'ukulil anticorrupción ikil u atenderta'al mantats' kajáalo'ob tumen servidores públicos.
- U jeltúumbensa'al a'almajt'aan ti'al u béeytal u nu'ukbesa'al tecnología ti'al ma' u pech óolta'al kaaj tumeen autoridad, bey junp'éeel ba'ax ti'al u sáasilkumpajal u meyaj Jolpo'opilo'ob yéetel u k'u'ubul cuentas ti'al u meyaj ma'alo'ob jump'éeel autoridad
- U jeltúumbensa'al le a'almajt'aano'ob ch'úuktik u meyaj servidores públicos ti' administración pública estatal ti'al u je'ets'el nu'ukulo'ob ti'al u béeykunsa'al le sáasilkúunajil ikil u xu'upul u taak'in kaaj, beey xan ka' je'ets'ek kuuch bo'olil administrativos tumeen le Sistema Estatal Anticorrupción

d) U jáalk'abil meyajil municipal

- U jeltúumbensa'al u a'almajt'aanil u meyaj municipios, ti'al u nonojkíimpajal le u meyajil productivo yéetel económico
- U je'ets'el nuka'an le u presupuesto ti'al municipios
- U láaj xak'alta'al tuláakal u a'almajt'aanil municipal
- U patjo'olta'al u xak'alta'al u jejeláas loot kaajil ek noj lu'umil ti'al u chíikbesa'al ba'ax ku seen meyajta'al ti' lálalaj méek'tankaaj
- U béeykunsa'al u yantal múul nupbail ichil jejeláas méek'tankaajilo'ob
- U beeta'al le u nu'ukbesajil náajalil xma'a loobil ti' sijnáalil ti' jejeláas méek'tankaajilo'ob.

II. Utskíinajil k'uuxil yéetel u kalanil kaaj

a) Utskíinajil ba'atelil



GOBIERNO DEL ESTADO DE YUCATÁN PODER LEGISLATIVO

LXIII LEGISLATURA DEL ESTADO
LIBRE Y SOBERANO
DE YUCATÁN

- U láaj xak'alta'al le u a'almajt'aanil u meyaj u mola'ayil u beeta'al justicia, le u ts'a'abal justicia ti' kaaj ti'al u xu'ulsa'al impunidad.
- U táabsa'al ichil u noj a'almajt'aanil u noj lu'umil Yucatán le túumben tojbe'enil Asistencia posliberal.
- U beetpajal le u k'axt'aanil a'almajt'aan wa Ley secundarias ti' Código Familiar, yéetel ti' Registro Civil ti'al u béeychajal le Matrimonio igualitario
- U beetpajal u a'almajt'aanil wet'ik toop,wa le u pech' óolta'al kajnáalo'ob ti'al ma' u seen yúuchul
- U táabsa'al ichil u noj a'almajt'aanil u lu'umil Yucatán le loobil Responsabilidad Patrimonial.
- U jel xak'alta'al bix u yila'al jejeláas loobil penales ti'al u ts'a'abal nuka'an u kuuch bo'olil, je'ex bix le ku beeta'al ti' mejen paalal
- U mu'uk'ankúunsa'al u a'almajt'aanil u máata'al wa u síiba'al mejen paalal wey t lu'umil
- U jeltúumbensa'al a'almajt'aan jets'ik bukaj u kuuch bo'olil le si'ip'iloobil feminicidio
- U beeta'al le u tsolnu'ukil u beeta'al le péektsilmeyaj alerta de violencia de genero ti'al béeykunsa'al séeba'an wey t noj lu'umil
- U jeltúumbensa'al le bix u yila'a ich a'almajt'aan le loobil violencia obstétrica ti'al u kaláanta'al u kuxtal xko'olelo'ob
- U tubseelta'al u tsikbe'enta'al le u jáalk'abil tuukul ti'al jaytúul u paalal ku tukultik u yantal ti' kajnáal, unaj u ch'úukta'al ichil le Codigo Penal le bix u yúuchul le aborto



GOBIERNO DEL ESTADO DE YUCATÁN PODER LEGISLATIVO

LXIII LEGISLATURA DEL ESTADO
LIBRE Y SOBERANO
DE YUCATÁN

- U jeltúumbensa'al jejeláas a'almajt'aan tu yóolal le u nu'ukbesa'al drogas yéetel le marihuana bey ts'aakil wey t lu'umil
- U beeta'al le u tsoolk'aabai máaxo'ob ku beetiko'ob loobil sexuales, yéetel u nu'ukbesajil Red de violencia contra la mujer yucateca ti'al u ts'a'abal ojéeltbil yéetel u yila'al ba'ax nu'ukbesajil kalanil unaj u beeta'al ti'al ma' u yúuchul
- U patjo'olta'al u jeltúumbensa'al a'almajt'aano'ob ikil u beeta'al justicia yéetel u yantal seguridad pública, u beeta'al u nu'ukbesajil meyaj ti'al u tsikbe'enta'al u noj a'almajt'aanil u lu'umil Yucatán ikil u meyaj le molay Poder Judicial tu lu'umil Yucatán
- U jeltúumbensa'al le u a'almajt'aanil ch'úuktik u meyaj le molay Fiscalía General tu lu'umil Yucatán, le u jets'a'al nonoj u presupuestoi ti'al u mampajal u nu'ukulil meyaj ti'al u k'a'amal uts kajnáalo'ob ikil u tsikbe'enta'al u tojbe'entsilil ti'al u ts'a'abal uts le servicio pericial, le u xak'alta'al loobil kinsaj, le u meyaj ministerios públicos.
- Le u béeykunsa'al u jeltúumbensa'al a'almajt'aano'ob ti'al u kaláanta'al yéetel u ts'a'abal u kuuch bo'ol si'ip'ilil le loobil ku muk'yajtik mejen paalal, abuso infantil, le u pech' óolta'al xko'olelo'ob, le feminicidio yéetel u pech' óolta'al kaaj
- U táabsa'al u ts'íibilil le loobil p'ekwíinik je'ex bix homofobia, yéetel transfobia ti' u Código Penal u lu'umil Yucatán.
- U jeltúumbensa'al u Código Penal u lu'umil Yucatán ti'al u na'aksa'al u bo'olsi'ip'ilil ti' máax k'askúuntik u ja'il ek lu'umil

b) Kalanil kaaj



GOBIERNO DEL ESTADO DE YUCATÁN PODER LEGISLATIVO

LXIII LEGISLATURA DEL ESTADO
LIBRE Y SOBERANO
DE YUCATÁN

- U patjo'olta'al yéetel u ch'úukta'al le u tsikbe'enta'al tuláakal u tusbeelil a'almajt'aan ichil u meyajil Sistema penitenciario
- U beetpajal nu'ukbesajil meyaj ti'al u xu'ulsa'al le ma' u jets'a'al u bo'olsi'ip'ilil le k'aas meyaj ku beetik jejeláas autoridades ku beetiko'ob justicia
- U káasal u ch'úukta'al le loobil Violencia mediática ti'al u káalanta'al ma' u beeta'al yéetel u ts'a'abal u bo'olsi'ip'ílil.
- U jelmuk'ank'úunsa'al a'almajt'aano'ob ti'al u kaláanta'al ma' u seen beetpajal loobil
- U xak'alta'al tuláakal u a'almajt'aanil u lu'umil Yucatán ti'al u meyaj nu'uka'an yéetel u beeta'al le p'íis ólal wa control de confianza ti' kalan kaajo'ob.
- U jeltúumbesa'al tuláakal u a'almajt'aanil Seguridad pública ti'al u lu'umil Yucatán.
- U beetpajal u p'íis nu'ukbesajil tu'u'x ku táakpajal kajnáalo'ob ti'al u béeykunsa'al u chukpaxta'al le ba'alo'o'b k'a'ana'an ti'al u ch'úukta'al y meyaj policías municipales
- U láaj xak'alta'al le u a'almajt'aanil ikil u meyaj u jejeláas mola'ayilo'ob Seguridad pública ek lu'umil.
- U mu'uk'anskúunsa'al u tubseelil a'almajt'aan ti'al u béeykunsa'al u tsolxikinta'al kaaj tumeen policías municipales
- U táakbesa'al ichil a'almajt'aan le Seguridad ciudadana ikil u kaláanta'al u tojbe'enil kajnáalo'ob



GOBIERNO DEL ESTADO DE YUCATÁN PODER LEGISLATIVO

LXIII LEGISLATURA DEL ESTADO
LIBRE Y SOBERANO
DE YUCATÁN

- U láaj xak'alta'al a'almajt'aan ti'al u béeykunsá'al le Reinsersion social yéetel ma' u suta'al le Centros peniteniarios bey junp'éeel kúuchilil tu'ux ku k'askúuna'al máak'
- U patjo'olta'al u betpajal nuka'an a'almajt'aan ti'al u jel utskíinta'al espacios públicos ti'al u muk'ankúunsa'al u paklam uts bisikuba kaaj.
- U láaj xak'alta'al a'almajt'aan tu yóolal u meyajil Seguridad pública ti'al u jeltúumbensa'al ti'al béeykunsá'al u kaambal policías estatal yéetel municipal tu yóolal u tojbe'enil kajnáalo'ob
- U tubseelta'al u je'ets'el nonoj u taak'iinil tumeen Jala'achil ti'al mampajal túumben nu'ukulo'ob ikil u ch'úukta'al ma' u seen beeta'al delitos yéetel u xak'alta'al.

c) **Protección Civil.**

- U táakbesa'al ichil u kaambesajil estatal le materias ti' protección civil, yéetel primeros auxilios
- U xak'alta'al bix u meyaj le molay Protección Civil yéetel bix u ch'úukta'al le u beetik loob sijnáalil ti' kaaj, unaj u jeltúumbensa'al u a'almajt'aanil ti'al u séebankunsa'al u meyajil u yáantal kaaj beey xan u je'ets'el nonoj u taak'inil

III. Tojbe'enilo'ob

- U xak'alta'al ti'al u keetkúunsa'al u a'almajt'aanilo'ob ek lu'umil yéetel u noj a'almajt'aanil u noj lu'umil México, u jejeláas a'almajt'aanil yóok'ol kaab ti'al u tusbeelta'al u óoxjaatsil Jala'achilo'ob le u tsikbe'entiko'ob le chuunt'anil Progresividad wa máansajil táanil
- U beetpajal a'almajt'aan ti'al u kaláanta'al nu'uka'an tojbe'enilo'ob ti' jejeláas múuch'kabil kaaj séeb u loba'alo'ob



GOBIERNO DEL ESTADO DE YUCATÁN PODER LEGISLATIVO

LXIII LEGISLATURA DEL ESTADO
LIBRE Y SOBERANO
DE YUCATÁN

- U mu'uk'ankúunsa'al u tusbeelil u a'almajt'aanilo'ob ek lu'umil ti'al u beeta'al nu'ukbesajil kalanil ti'al u táakmukta'al xko'olelo'ob
- U jeltúumbensa'al a'almajt'aano'ob ti'al u tusbeelta'al u xu'ulsa'al u pech' óolta'al xko'olelo'ob, ti'al u beykunsa'al u yantal keet táakmukil ichil xiib yéetel xko'olel.
- Le u chíimpolta'al le tojbe'enil páajtalil wa derecho humano tu yóolal le internet yéetel u láak' derechos digitales
- U chíimpolta'al le tojbe'enil ti'al ja' yéetel tu'ux ku yáalkab ja' ti' kaaj ichil u ts'íibilil u noj a'almajt'aanil u lu'umil Yucatán.
- U beetpajal u nu'ukbesajil kalanil le u páajtalil jáalk'abil t'aan ti' periodistas
- U chíimpolta'al le u tojbe'enil le kajnáalilo'ob u ch'i'ibalil máasewáal wa afromexicanos ichil u ts'íibilil le noj a'almajt'aanil Yucatán.
- U táakbesa'al le u tusbeelil le u nu'ukbesa'al le u t'aanil kóok yéetel toot wa lenguaje de señas ichil u sánsamal meyaj jejeláas Jala'achil yéetel Ayuntamientos.
- U beetpajal le u k'axt'aanil a'almajt'aan wa Ley secundarias ti' le Reforma constitucional tu yóolal u tsikbe'enil le u tojbe'enil nojoch wíiniko'o'b, beey xan ti'al u je'ebel le molay ch'úuuktik u béeykunsa'al.
- U beetpajal a'almajt'aanil ti'al u tsikbe'enta'al u tojbe'ebil kajnáalo'ob discapacitados
- U patjo'olta'al a'almajt'aan ti'al u chíimpolta'al le keetil yéetel toj uts kuxtalil.
- U mu'uk'ankúunsa'al le plakalmúul uts kuxtalil ichil xko'olel yéetel xiib



GOBIERNO DEL ESTADO DE YUCATÁN PODER LEGISLATIVO

LXIII LEGISLATURA DEL ESTADO
LIBRE Y SOBERANO
DE YUCATÁN

- U jeltúumbensa'al u a'almajt'aanil ek lu'umil tu yóolal u chímpolalil Genero, ti' mejen paalal, táankelemo'ob, nojoch wíiniko'ob, máasewáal kaajo'ob yéetel u jejeláas wíinikil ti'al u kaláanta'al u toj be'enil yéetel jáalk'abilo'ob.
- U tubseelta'al u ts'a'abal u áantajil Pensión alimentaria universal ti'al nojoch wíiniko'ob.
- U jeltúumbensa'al u jejeláas a'almajt'aanil u lu'umil Yucatán ti'al u béeykunsáal yéetel u je'ets'el nonoj u taak'inil ti'al u much'al le Sistemas integrales ikil u kaláanta'al yéetel u tsikbe'enta'al u tojbe'enil mejen ch'úupalal, xi'ipalal yéetel táankelemo'ob tu lu'umil Yucatán.
- U tusbeelta'al le u kaláanta'al le u jejeláas wíinkilil yéetel ma' u yúuchul pech' óolalil tu yóolal bix u yu'ubikubáa kajnáalo'ob.
- U ch'a'ajo'olta'al u jeltúumbensa'al le a'almajt'aanil Ley de Acceso a las Mujeres a una Vida libre de Violencia.
- U láaj xak'alta'al le a'almajt'aan Ley para la igualdad entre Mujeres y Hombre ti'al u lu'umil Yucatán.
- U patjo'olta'al tu paach a'almajt'aan le u jo'olintik le u náajaltik u taak'in xko'olel ti'al u xu'ulsa'al le loobil Violencia Económica
- Le u táakmukta'al le u paakatil xko'olel ichil le a'almajt'aan Ley de Adquisiciones, Arrendamientos y prestación de Servicios yaan u yil yéetel ba'alumbáa
- U patjo'olta'al yéetel u mu'uk'ankúunsa'al a'almajt'aan ti'al u yáanta'al, u káalanta'al u tojbe'enil jejeláas múuch'kajnáalo'ob séeb u loba'alo'ob, nojoch wíiniko'ob, xko'olelo'ob, mejen ch'úupalal, xi'ipalal, táankelemo'ob, maxo'ob ku konik u wíinkilo'ob yéetel máaxo'ob mina'an u yotocho'ob.



GOBIERNO DEL ESTADO DE YUCATÁN PODER LEGISLATIVO

LXIII LEGISLATURA DEL ESTADO
LIBRE Y SOBERANO
DE YUCATÁN

- U jeltúumbensa'al a'almajt'aan tu yóolal u tsikbe'enil u tojbe'enil maaya kaj ti'al u béeykunsa'al u jóok'ol táanil yéetel u beeta'al ti' justicia keet yéetel u tsikbe'enil u tojbe'enilo'o'b
- U jeltúumbensa'al a'almajt'aan ti'al u xu'ulsa'al jejeláas pech' óolal tu yóolal xiib wa xko'olel, ch'i'ibalil mootsil, religión, tu'ux u taal wa bajun taak'in yaan ti' wáa máax, tu yóolal política wa u miatsilil.
- U pat jo'olta'al u jeltúumbensa'al u a'almajt'aanil kajnáalo'ob Discapacitados ti'al lu'umil Yucatán ti'al u táakmuta'alo'ob ichil u múuch' kuxtalil ti'al u béeytal u jóok'olo'ob táanil.
- U péektsilta'al u tusbeelil le u ts'íibta'al ichil u oochelil u belilo'ob kaaj jejeláas t'aanil

IV. Desarrollo económico yéetel social

a) Desarrollo económico yéetel u jo'olbesa'al meyaj.

- U béeykunsa'al le u k'uchul inversión pública yéetel privada
- U beykunsa'al u nonoj nu'ukbesa'al le túumben tecnologías ti' información yéetel comunicación bey u nu'ukulil u kaambal kaaj
- U mu'uk'ankúunsa'al le u meyajil pak'áalu'umil, industrial yéetel u k'a'amal ajxíimbalo'ob
- U mu'uk'ankúunsa'al le u béeytal u je'ebel túumben kúuchilo'ob ti'al u béeytal u yoksik u ta'akik u taak'in wíinik'ob ti' mejen kaajo'ob
- U péektsilta'al le u much'kubáa jejeláas productores
- U beetpajal nu'ukbesajil ti'al u páajtal u líik'sa'al u nu'ukulil u meyajil lu'umil, u janabe'en ba'alo'ob ba'alche'ob tu k'iinil u loobilta'al k lu'umil.



GOBIERNO DEL ESTADO DE YUCATÁN PODER LEGISLATIVO

LXIII LEGISLATURA DEL ESTADO
LIBRE Y SOBERANO
DE YUCATÁN

- U mu'uk'ankúunsa'al a'almajt'aan ti'al u ts'a'abal áantajil ti' máaxo'ob ku meyajtiko'ob pak'áal lu'umil.
- U láaj xak'alta'al le u a'almajt'aanil ek lu'umil ti'al u béeykuknsa'al u je'ebel túumben empresas.
- U patjo'olta'al nu'ukbesajil meyaj pa'tej yéetel u Jala'achil u lu'umil Yucatán tu yóolal turismo ti'al ek lu'umil.
- U patjo'olta'al ichil a'almajt'aan tusbeelil ti' Gobierno Federal ti'al u tóoch'pajal u meyajil turismo
- U béeykunsa'al le u nonojtal u je'ebel túumben empresas wey t lu'umil.
- U patjo'olta'al yéetel u mu'uk'ankúunsa'al u meyajil turismo wey tu lu'umil.
- U tusbeelta'al u oksa'al noja'an tuukul ti' empresas ti'al u táanilkúunsa'al u yutsill kaaj
- U patjo'olta'al le u túumbenkúunsa'al a'almajt'aan tu yóoal le u náajalta'al taak'inil ti' redes sociales.
- U mu'uk'ankúunsa'al le u suukpajal u tóop'ol tuukult u je'ik u negocio táankelemo'ob ek lu'umil.
- U jetsa'al le u taak'inil u je'ebel empresas, ti'al autoempleo, ti'al mejen kaajal yéetel ti'al xak'alna'at yéetel ti'al u ts'a'abal majanil ti' xko'olelo'ob
- U jetsa'al u taak'inil ti'al u majáanta'al ti' xko'olel wa xiib taak u káajesik u negocio ti' nojoch kaajo'ob wa mejen kaajo'ob ti'al u béeykunsa'al u máan táanil ek lu'umil.
- U páayt'a'anal yéetel u keet táakmukta'al ichil meyaj tuláakal máak, tak discapacitados yéetel ma' u pech' óolta'al mix máak.



GOBIERNO DEL ESTADO DE YUCATÁN PODER LEGISLATIVO

LXIII LEGISLATURA DEL ESTADO
LIBRE Y SOBERANO
DE YUCATÁN

- U láaj xak'alta'al tuláakal u a'almajt'aanil ek lu'umil ti'al u beyta'al u bo'ota'al ma'alob salario mínimo.
- U jeltúumbensa'al a'almajt'aan ti'al u mu'uk'ankúunsa'al u takmukta'al táankelemo'ob ichil náajal meyajil.
- U tooch'kinta'al le áantajil Becas bey junp'éel nu'ukbesajil ti'al ma' u p'atik u xook kajnáalo'ob.
- U jo'olbesa'al u túuxta'al t'aaan ti' Camarai Diputados ti'al u k'a'alal le Comisión Nacional ti' Salarios Mínimos ti'al ka'a je'ebel le Instituto ti'al u xaak'alil u náajalil ek lu'umil Tu'ux k'a'ana'an u meyaj máaxo'ob jach u yojelo'ob wa especialistas ti'al u beetiko'ob propuestas ti'al u na'aksa'al le salarios mínimos yéetel nu'ukbesajil ti'al u je'ebel meyajob, ti'al u ts'a'abal áantajil meyaj yéetel ka u béeykuns u nonojtal u meyajil ek lu'umil
- U patjo'olta'al u béeytal u tooch'pajal u náajal taak'nil ek lu'umil yéetel u yantal meyaj ikil u beetpajal nojoch obras tumen Jala'achilo'ob
- U beeta'al a'almajt'aan ti'al u yáanta'al chichan, mejen yéetel nukuch negocios, le u kompajal nu'ukulo'ob, janabe'enba'alo'ob, industrias, yéetel u meyajil turismo ti'al u jóok'ol táanil ek lu'umil.
- U beeta'al nu'ukbesajil ti'al u káajal u meyajil le Sistema Estatal Fiscal ti'al u bo'ot'pajal impuestos, ti'al u mu'uk'ankúunsik u náajal taak'inil ek lu'umil, ti'al u yantal meyaj, ikil kun yilal ba'alo'ob utsil ti' ek lu'umil ti'al u mu'uk'ankúunsa'al jejeláas kúuchilil ti'al u yantal nonoj meyaj.

b) Desarrollo Social.

- U patjo'olta'al ichil a'almajt'aan nu'ukbesajil ku béeykunsik u jóok'ol táanil kajnáalo'ob yéetel u yantal keet páajtalil.



GOBIERNO DEL ESTADO DE YUCATÁN PODER LEGISLATIVO

LXIII LEGISLATURA DEL ESTADO
LIBRE Y SOBERANO
DE YUCATÁN

- U beetpajal tusbeelil ti'al u xu'ulsa'al óotsilil yéetel u ja'atsal kajnáalo'ob
- U ma'alobkíinsa'al le kaambesajil yéetel u meyajil miatsilil
- U yutskíimpajal u jejeláas najil molayilob Jala'achil ti'al k'a'amal kajnáalo'ob discapacitados.
- U jets'a'al ichil a'almajt'aan le Servicio comunitario
- U beetpajal u a'almajt'aanil Desarrollo Social ti'al u lu'umil Yucatán.
- U jeltojkiinsa'al bix u yila'al le u beeta'al áantajil, yéetel u tuukulil u yantal jana'abe'en ba'alob ti' kaaj ti'al u jóok'sa'al táanil kajnáalo'ob pa'tej yéetel u kaajal.
- U beeta'al a'almajt'aan ti'al u mu'uk'ankúunta'al u tojbe'enill yéetel u páajtalil táankelo'ob
- U je'ebel páajtalilo'ob ti' táankelemo'ob beey xan u máano'ob xma'a bo'olil ti' transporte público.
- U patjo'olta'al áantajil ti'al táankelemo'ob ti'al u béeytal u manik u yáax taanajo'ob.
- U tusbeelta'al u jatsa'al u taakinil ti'al u xu'ulsa'al óotsilil yéetel le taak'inil ma'tech u xupik Jala'achil beey xan le ku tse'elel ti 'Corrupción
- U kaláanta'al keet náajal tu k'iinil le u pandemia COVID-19

c) Tooj óolal

- U péektsilta'al le u táakbesa'al le tsolxikinajil áantajil ti' máaxo'ob muk'yajt le u k'oja'anil le pandemia



GOBIERNO DEL ESTADO DE YUCATÁN PODER LEGISLATIVO

LXIII LEGISLATURA DEL ESTADO
LIBRE Y SOBERANO
DE YUCATÁN

- U beetpajal u jejeláas kúuchil ts'aakankil ti'al u tsikbe'enta'al le u tojbe'entsiilil tooj óolal.
- U noj péeksilta'al keet táakmukil, le u ch'úukta'al yéetel u tojtáanta'al le u k'oja'anil tuukul.
- U tusbeelta'al le u beeta'al xímbal ts'aakankil ichil kaaj
- U láaj xak'alta'al u a'almajt'aanil ek lu'umil ti'al u jeltúumbensa'al ti'al u kaláanta'al ma' u seen nonojtal u pa'ak'al le u k'oja'anil transmisión sexual beey xan cáncer.
- U táabsa'al ichil a'almajt'aan le mantats' kaambalil jmeeyjilo'ob ts'aakankil.
- U mantats' xak'alta'al le u nu'ukbesajil a'almajt'aan ti'al u kaláanta'al ma' u seen beetik loob le Sars CoV-2
- U ch'úukta'al le k'ubent'aano'ob ku beetik Jala'achil Estatal yéetel Federal ti'al u tojtáanta'al le k'oja'anil SarsCoV-2
- U láaj xak'alta'al u a'almajt'aanil ek lu'umil tu yóolal u ts'aakankil k'oja'an tuukulil
- U tusbeelta'al u much'a'al junp'éel múuch'kabil ti'al u ch'úuktik le u meyajil ts'aakankil ti'al beetpajal tuláakal meyajts'aakankil tumeen Jala'achilo'ob.
- U mantats' yantal u meyajil ts'aakankil ti' servicios de salud xma' pech'óolalil
- U muk'ankúunsa'al le u meyajil ts'aakankil yéetel u jets'e'el nonoj u t'aak'inil ti'al u je'ebel u láak' ti' mejen kaajo'ob.
- U ji'itil junp'éel múuch'kabil meyaj yéetel u béeykunsa'al le u beeta'al yéetel u je'ebel nuka'an kúuchilil ts'aakankil.



GOBIERNO DEL ESTADO DE YUCATÁN PODER LEGISLATIVO

LXIII LEGISLATURA DEL ESTADO
LIBRE Y SOBERANO
DE YUCATÁN

- U mu'uk'ankúunsa'al u suukbesa'al u kaláantikubáa yéetel u ts'a'akal le k'oja'anilo'ob junjunp'ítil u lobik u wíinkilal máak' yéetel óotsililo'ob, u tsolxikinta'al máaxo'ob muk'yajtik yéetel u láak'tsilo'ob tumeen Jala'achil.
- U péektsilta'al u jeltúumbesnsa'al a'almajt'aan ti'al u tusbeelta'al u ts'a'abal ts'aakil ti' táankelemo'ob
- U mu'uk'ankúunsa'al u tusbeelil a'almajt'aan ti'al u táakbesa'al le u bix u xyo'omchajal xko'olelo'ob
- U láaj xak'alta'al le u a'almajt'aanill ts'aakankil u lu'umil Yucatan ti'al u ts'a'abal xma' bo'olil ti' kaaj.
- U nonojkiinsa'al le u presupuestoi ti'al u jejeláas kúuchilil ts'aakankil wey t lu'umil.
- U láaj xak'alta'al u a'almajt'aanil ek lu'umil ti'al u je'ets'el ba'ax ts'aak k'a'ana'an wa cuadro basico
- U patjo'olta'al u je'ebel junp'éel mola'ay ti'al u ch'úukta'al u kuxtal nojoch wíiniko'ob
- U táabsa'al ichil a'almajt'aan le nu'ukbesajil meyaj Jala'achil Medico en tu casa
- U xak'alta'al yéetel u jeltúumbensa'al a'almajt'aan ti'al u tojtáanta'al u nupikuba meyaj u mola'ay ts'aakankil feredal yéetel estatal ti'al u ma'alobkiinsa'al u k'a'amal kaaj, u mampajal u nu'ukulil yéetel u kúuchilil beey xan u ts'aakil.
- U xak'alta'al u a'almajt'aanil ikil u ch'úukta'al jejeláas kúuchilo'ob tu'ux ku kompajal janabe'enba'alo'ob yéetel uk'biba'alo'ob ti'al u chan xu'ulsa'al le káalbesajil, drogadicción beey xan le u k'oja'anil ts'u'u'ts' chamal.



GOBIERNO DEL ESTADO DE YUCATÁN
PODER LEGISLATIVO

LXIII LEGISLATURA DEL ESTADO
LIBRE Y SOBERANO
DE YUCATÁN

d) Kaambesajil, miatsil yéetel deporte

- U patjo'olta'al u beetpajal le a'almajt'aan Ley General de Bibliotecas
- U tusbeelta'al u chiimpolta'al le deporte ku beetal yéetel nu'ukolo'ob electronico
- U beeta'al nu'ukbesajil áantajil ti'al kaambesajil ti'al u xu'ulsa'al le xma' xookilo'
- U xak'alta'al le a'almajt'aan Ley de Educacion ti'al u chiimpolta'al le jach uts kaambal
- U nupa'al u tusbeelil le a'almajt'aan estatal yéetel General ti'al Cultura Fisica yéetel deporte
- U beeta'al le u a'almajt'aanil kaambesajil, ciencia, tecnología ti'al u tusbeelta'al u táakbesa'al ichil u meyaj kaambesajil ek lu'umil ti'al u xu'ulsa'al u xúump'ajtiko'ob u xook xoknáalo'ob ti'al u yutsil tatatsilo'ob, ajka'ansajilo'ob, beey xan ti'al u u nonojtal xak'alna'at yéetel u nu'ukbesa'al tecnologia
- U xak'alta'al ti'al u jeltúumbesna'al a'almajt'aan ti'al u ka'antal u na'at kajnáalo'ob, u kaláantik u wíinkilalo'ob, u tuukulo'ob, ti'al u yantal uts paklam múul kuxtalil ichil u tuukulil política, economica yéetel politica wey t noj lu'umil.

V.U ch'úukta'al u nojochtal kaaj xma' loobil ti' sijnáalil

a) Desarrollo urbano.

- U ch'úukta'al u bix u beeta'al najo'ob ti'al ma' u seen yantal much'kiimpajal kuxtal



GOBIERNO DEL ESTADO DE YUCATÁN
PODER LEGISLATIVO

LXIII LEGISLATURA DEL ESTADO
LIBRE Y SOBERANO
DE YUCATÁN

- U béeykunsa'al le u manik u taanaj táankelemo'ob
- U beetpajal u tsool tuukulil meyaj ti'al u kaláanta'al sijnáalil
- Le u nu'ukbesa'al ba'alo'ob ikil u beeta'al túumben najo'ob ma'atech u k'askúuntik sijnáalil
- U láaj xak'alta'al le u a'almajt'aanil ek lu'umil ti'al u tusbeelta'al ichil u nu'ukbesa'al ba'alo'ob ma'tech u seen loobiltiko'ob sijnáalil

b) Péektsil kaaj.

- U jeltúumbensa'al a'almajt'aan ti'al u tusbeelta'al u ch'úukta'al bix u nojochtal kaaj tu yóolal bix kun péek kanjáalo'ob
- U láaj xak'alta'al a'almajt'aan ti'al u xu'ulsa'al le u talamil viales yéetel tu'ux ku seen máan kisbuuts'
- U péektsilta'al le u nu'ukbesa'al transporte ma'tech u beetik loob ti' sijnáalil
- U beetik xak'almeyaj ti'al u ch'úukta'al, u tsikbe'enta'al, u yuskíinta'al bix u máan kajnáalo'ob, beey xan ti'al u kaláanta'al sijnáalil

c) Desarrollo Agropecuario yéetel chujkayil.

- U láaj xak'alta'al ti'al u jeltúumbensa'al le a'almajt'aan Ley de Desarrollo ti'al u lu'umil Yucatan.
- U táabsa'al ichil a'almajt'aan ek lu'umil le u beetpajal programas tu yóolal u áantajil meyajil paak'áal lu'umil.
- U táabsa'al u nu'ukbesajil p'íis ichil a'almajt'aan ti'al u yojéelta'al bukaj k'áax yaan ti' ek lu'umil.



GOBIERNO DEL ESTADO DE YUCATÁN PODER LEGISLATIVO

LXIII LEGISLATURA DEL ESTADO
LIBRE Y SOBERANO
DE YUCATÁN

- U mu'uk'ankúunsa'al le u nu'ukbesik u páajtalil kaaj tu yóolal u ba'alobáai.
- U táabsa'al ichil a'almajt'aan Estatal nu'ukbesajilo'ob ti'al u keet yilal mejen kaajo'ob
- U je'ets'el bey u chuunt'anil le ts'aa majan taak'in ti'al u tóoch'pajal u meyajil lu'umil káax.
- U tubseelta'al u je'ebel le Zonas Economicas especiales tu lu'umil Yucatan ti' kaajo'ob jach yaan seen óotsilil.

d) U kalanil sijnáalil

- U jo'olbesa'al u much'al le Comité ti'al u ch'úukta'al u beetpajal le tuukulmeyaj Agenda 20-30, u nupikuba meyaj Comisiones, ti' sijnáalil, Justicia yéetel Seguridad Pública, Desarrollo Económico yéetel meyaj, Desarrollo Municipal, Regional yéetel Zonas Metropolitanas keet yéetel nuka'an.
- U mu'uk'ankúunsa'al le u nu'ukbesa'al corriente ku beeta'al yéetel sijnáalil wey t lu'umil.
- Le u chímpolta'al le tojbe'enil ti'al u nu'ukbesa'al corriente
- U jeltúumbensa'al a'almajt'aan tu yóolal túumben fraccionamientos yéetel tu'ux ku seen beeta'al edificios.
- U beeta'al a'almajt'aan ti'al u tubseelta'al empresa wa kajnáalo'ob ti'al u kaláanta'al u ba'alche'il yéetel u xíiwilil ek lu'umil.
- U jeltúumbensa'al a'almajt'aan ti'al u yila'al wáa nu'uka'an u jelnu'ukbesa'al ja'il kaaj, le u k'usa'al ja' potable tu'ux mina'an yéetel ma' u seen k'askúuunta'al wa u pu'ulul ichil kaaj.



GOBIERNO DEL ESTADO DE YUCATÁN PODER LEGISLATIVO

LXIII LEGISLATURA DEL ESTADO
LIBRE Y SOBERANO
DE YUCATÁN

- Le u béeykunsá'al u nupikuba meyaj le industrias ikil u beeta'al corriente ti' sijnalil yéetel jmaano'ob.
- U tusbeelta'al u káanta'al u sijnáalil, xíiwilil, ba'alche'il ek lu'umil ikil kun beeta'al le u a'almajt'aanil Cambio Climático
- U sáasilkunta'al le u jo'olintik Jala'achil le u meyajil ja' ti'al u béeyta'al u k'usa'al ukbe'enil ja' ti' kajnáalo'ob.
- U béeykunsá'al u nu'ukbesa'al le u tojbe'enil kaaj ti' sijnáalil ikil u beeta'al programas ti'al u táakbesa'al kajnáalo'ob.
- U keetkúunsa'al jejeláas a'almajtaanil ek lu'umil tu yóolal u xéexet'kaajil kajnáalo'ob.
- U xak'alta'al yéetel u jeltúumbensa'al u a'almajt'aanil sijnáalil ti'al ek lu'umil.
- U jo'olbesa'al u jeltúumbensa'al a'almajt'aan ti'al u wet'al u to'opol ba'alche'ob
- U patjo'olta'al u ch'úukta'al bix u bin u nojochtal kaaj ti'al ma' u jaaykúunsa'al lu'um ikil u sa'ap'al ja'
- U jo'olbesa'al le u táakbesa'al ichil a'almajt'aan tusbeelil ti'al u yéemsa'al le u jáalk'ata'al k'aas buuts' loobiltik múunyal.
- U jets'a'al ichil a'almajt'aan le u suukbesa'al u jel pa'ak'al che'ob
- U jeltúumbensa'al jejeláas a'almajt'aan tu yóolal empresas ku meyajtiko'ob mol ta' míisil kaaj.
- U beeta'al le túumben a'almajt'aan Ley de Sanidad Vegetal ti'al u lu'umil Yucatán.
- U beetpajal le u a'almajt'aan ja' ti'al Yucatán.



GOBIERNO DEL ESTADO DE YUCATÁN
PODER LEGISLATIVO

LXIII LEGISLATURA DEL ESTADO
LIBRE Y SOBERANO
DE YUCATÁN

- U beetpajal u a'almajt'aanil Cambo climático ti'al Yucatán.
- U ts'íibta'al ichil a'almajt'aan le u tojbe'enil kaaj derecho a la ciudad bey junp'éel chuunt'aanil ikil u bin u nojochtaal kaaj
- U xak'alta'al tuláakal a'almajt'aan ti'al u jo'olbesa'al u jeltúumbensa'al ti'al u ch'úukta'al ma' u k'askúunta'al sijnáalil yéetel u ba'alubáai
- U tukulta'al u xak'alta'al le a'almajt'aan Ley de Protección a la fauna ti'al u lu'umil Yucatan ti'al u wet'al le u chuka'al tiburón chen ti'al u ch'a'akal u xiiko'ob, wáa le máax beetiko' ku ka'a pulik ichil k'aak'náab le u wíinkilalo'

TRANSITORIOS

Yáax artículo.- Le Decreto kun káajal u tsikbe'enil le u láak' k'iin chéemp'elak u aprobarta'al tan Pleno ti' le u noj molay Congreso ek lu'umil.

Ka'ap'éel artículo.- Ts'a'abak u yojéelt le u noj mola'ay yéeyajil Instituto Electoral yéetel Participación Ciudadana ti' Yucatán

BEY JETS'A'AB TU NOJ MOLA'AY PODER LEGISLATIVO, TU NOJ KAAJIL JO', YUCATÁN, TU NOJ LU'UMIL ESTADO UNIDOS MEXICANOS, KAMP'ÉEL U K'IINIL U WINÁALIL NOVIEMBRE TU JA'ABIL 2021.

PRESIDENTA



**GOBIERNO DEL ESTADO DE YUCATÁN
PODER LEGISLATIVO**

LXIII LEGISLATURA DEL ESTADO
LIBRE Y SOBERANO
DE YUCATÁN

DIP. INGRID DEL PILAR SANTOS DÍAZ.

SECRETARIO

SECRETARIO

**DIP. RAÚL ANTONIO ROMERO
CHEL.**

**DIP. RAFAEL ALEJANDRO ECHAZARRETA
TORRES.**

Perito traductor SACE.